



GJYKATA SUPREME E REPUBLIKËS SË KOSOVËS

VRHOVNI SUD REPUBLIKE KOSOVA

SUPREME COURT OF REPUBLIC OF KOSOVO



REPUBLIKA E KOSOVËS	REPUBLIKA KOSOVA
GJYKATA SUPREME E KOSOVËS	VRHOVNI SUD KOSOVA
G.J.A-Su.A	176/2014
Dt:	07.05.2014
PRISHTINË - PRIŠTINA	

Mbledhja e Përgjithshme e Gjykatës Supreme të Republikës së Kosovës në të cilën ishin të pranishëm edhe gjyqtarët dhe përfaqësuesit tjerë nga EULEX-i, në bazë të nenit 22 të Ligjit për Gjykatat e Rregullta, më 23.04.2014, me shumicë votash miratoi këtë :

Mendim juridik

Në situatën kur i pandehuri akuzohet për dy vepra penale , nga të cilat njëra bie në kompetencë të departamentit për të mitur ndërsa tjetra në departamentin për madhor , çështja që ka të bëjë me veprën penale që sipas ligjin e gjykon trupi gjykues për të mitur, regjistrohet në departamentin për të mitur, ndërsa çështja që ka të bëjë me veprën penale që nuk bie në grupin e veprave penale nga neni 145 të KPDM, regjistrohet në departamentin përkatës, varësisht nga vepra penale.

A r s y e t i m

Gjyqtarja Pranvera Ademi, Departamenti për të Mitur nga Gjykata Themelore në Mitrovicë – i është drejtuar Gjykatës Supreme të Republikës së Kosovës, me kërkesë për dhënien e Mendimit Juridik, në lidhje me aktakuzën e ngritur kundër një të pandehuri për dy vepra penale, përkatësisht veprën penale nga neni 145 i Kodit të Drejtësisë për të Mitur –

“keqtrajtim apo braktisje e fëmijës dhe vepra penale privim i kundërligjshëm nga liria ku i dëmtuari është i mitur, e cila nuk hynë në grupin e veprave penale të parapara me nenin e sipërpermendur të Kodit të Drejtësisë për të Mitur.


Sipas parashtruesit të kërkesës, dilema qëndron në atë se cili departament është kompetentë për të gjykuar, pasi që kemi dy vepra penale, një që mbi në kompetencën e departamentit për të mitur sipas veprës penale nga neni 145 i Kodit të Drejtësisë për të Mitur, dhe vepra tjetër “Privim i Kundërligjshëm nga Liria” që nuk hynë në grupin e veprave të parapara me nenin 145 të Kodit të Drejtësisë për të Mitur.

Në situata të tillë prokurori publik , do duhej t'i paraqes në gjykatë dy çështje të ndara dhe ato çështje më pastaj nëse gjykata e gjen oportune do ketë mundësi ligjërisht t'i bashkoj, megjithatë nëse prokurori publik ka paraqitur një akt akuzues me dy vepra penale që sipas ligjit nuk gjykohen nga i njëjti panel, atëherë gjykata duhet t'i formoj dy lëndë të ndara (dy çështje)dhe t'i regjistroj në departamentet kompetente.

Nëse çështja për të dy veprat penale gjyket nga trupi gjykues për të mitur apo nga trupi gjykues për madhor , do bëhej fjalë për shkelje esenciale të dispozitave të Kodit të Procedurës Penal të Kosovës “përbërje jo të rregullt e trupit gjykues”, me përjashtim nëse janë aplikuar dispozitat për bashkimin e lëndëve-çështjeve sipas dispozitave të KPPK apo dispozitave të KPDM.

Kryetar i Gjykatës Supreme,

Dr.sc. Fejzullah Hasan


F. JASULLAH HASAN